



KOMUNIKADU IMPRENSA

Centro Chega!!P Asina ASH Ho Asosiasaun Vitima Hodi Apoiu Finanseiru Ba Programa UMbE

Dili – (12 Juñu 2025), Centro Nacional Chega!!P asina Akordu Servisu Hamutuk (ASH) ho Asosiasaun Vitima Konflitu Politiku (AVKP) 1974-1999 ne'ebé realiza iha Salaun Gabinete Apoiu Orgaun Centro Chega!!P, Antigo Comarca Balide.

Dokumentus ASH ne'e, asina husi Diretór Ezekutivu Centro Nacional Chega!!P, Hugo Maria Fernandes ho Koordinator Sekretáriadu Nasional Asosiasaun Vitima Konflitu Politiku (AVKP) 1974-1999, Domingos Pinto de Araujo Moniz.

Objetivu prinsipal husi akordu ne'e, mak atu apoiu finanseiru ka fundu ba Asosiasaun Vitima Konflitu Politiku (AVKP) 1974-1999 ba programa halo Uma Memória ba Esperança (UMbE) ba sobrevivente sira mais vulneravel.

Apoi u finanseiru ka fundu ne'ebé mak Centro Chega!!P fo ba Asosiasaun Vitima Konflitu Politiku (AVKP) 1974-1999 ho montante orsamentu hamutuk \$ 107,101.10 (Dollar Amerikanu Rihun Atus Ida, Hitu, Atus Ida, Ida, Centavos Sanulu). Orsamentu ne'e sei halo uma ba sobrevivente mais vulneravel ne'ebé Centro Chega!!P rejista ona hamutuk 6 mai husi munisipiu 4 hanesan, Munisipiu Baukau 2, Manatuto I, Manufahi 2 no Ainaro I.

Iha tinan 2021 to'o 2024, Centro Chega!!P parseria ho Asosiasaun Vitima Konflitu Politiku (AVKP) 1974-1999 no Community Housing Limited (CHL) halo ona Uma Memória ba Esperança (UMbE) ba sobrevivente sira mais vulneravel hamutuk 20 kompostu mane II no feto 9.

Uma Memória ba Esperança (UMbE) nu'udar parte ida husi implementasaun Mandatu Centro Chega!!P nian tuir Dekretu Lei 48/2016 mak atu tau-matan no apoiu ba Sobrevivente sira husi Violaasaun Direitu Umanu ne'ebé akontese iha periodu 1974-1999. Nune'e mos nu'udar programa prioridade Nuno (IX) Governu Konstitusional nian ne'ebé hatur iha Centro Chega!!P nia responsabilidade atu fo tulun ba prezervasaun memória pasadu sira no kontinua promove direitu umanu no rekonsiliaaun.

Apoi u ida ne'e mos atu responde ba misaun Centro Chega!!P nian mak promove implementasaun rekomendasaun sira husi Comissão de Acolhimento, Verdade e Reconciliação (CAVR) no Per Memoriam ad Spem (PMAS) relasiona ho institusionálizasaun memória no promosaun direitus umanu através edukasaun, formasaun, Pesquisa no solidariedade ba sobreviventes vulneravel liu husi violaasaun direitu umanu; nomos promove rekomendasaun komuns CAVR no PMAS kona-ba konstrusaun sentru nasional memória, pesquisa no aprendizajen.

- Remata -

Ba informasaun liu tan kontaktu:

Raimundo Sarmiento Fraga

Ofisiál Média no Komunikasaun
Email: rsfraga@centrochega.gov.tl
Nú. kontaktu: 7874 0345

Boilerplate

Centro Nacional Chega! I.P., *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabesele ho dekretu Lei nº. 48/2016. Centro Chega! I.P nia vizaun mak: "Sosiedade ida ne'ebé inkluzivu, la repete istória pasadu nian, moris iha dame, no respeitu ba direitus umanu". Nia misaun mak: "Harri sentru Pós-konflitu ne'ebé prezerva memória pasadu nian hodi promove direitus no valór umanu, harri parseria nasional no internasionál hodi reforsa rede servisu sira ba implementasaun rekomendasaun sira husi Relatóriu Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memórias Ad Spem*, sira ne'ebé relevante".